



DECRETO. Aprobación das Bases de participación nas Escolas de Verán 2018

Logo de ver a proposta efectuada pola Concelleira Delegada de Educación, Xuventude e Saúde con data 27 de abril de 2018, pola que solicita a aprobación das Bases de participación nas Escolas de Verán 2018, **RESOLVO:**

Primeiro: Prestar aprobación ás citadas Bases.

Segundo: Ordenar a súa publicación na paxina web do Concello, nos taboleiros informativos do Concello e na Oficina da Xuventude.

BASES CONVOCATORIA DAS ESCOLAS DE VERÁN 2018

CONCELLO DE SADA

A Concellaría de Educación, Xuventude e Saúde do Concello de Sada, leva a cabo a promoción e organización de actividades socioeducativas destinadas á infancia e á mocidade no eido do lecer e o tempo libre. É consciente esta Concellaría da importancia que ten facilitar canles polas que os nenos/as poidan participar neste tipo de actividades, e polo que este ano, igual que en anos anteriores, convócase a oferta de Escolas de Verán 2018.

O Concello de Sada pretende desta forma atender á demanda individual de ocio educativo, así como ás necesidades de conciliación das familias sadenses.

Artigo 1º.-Obxecto.

Co obxectivo de facilitarlle aos rapaces e rapazas a participación en actividades educativas e de tempo libre, o Concello de Sada, oferta as prazas para as actividades de Verán 2018.

As diferentes actividades que integran esta oferta levaranse a cabo nun centro de ensino do municipio atendendo aos diferentes grupos de idade durante o período que transcorre dende o 2 de xullo ao 27 de xullo.

A información sobre a convocatoria desta campaña de verán atoparase na páxina web www.concellodesada.com.

Ademais, os/as interesados/as poden solicitar información ou o folleto da convocatoria na Oficina Municipal da Xuventude, no teléfono 981620331, en horario de 09:00 a 14:00 e de 16:00 a 18:00 horas de luns a venres (a partir do 15 xuño só estará aberto pola mañá) ou no correo: omixsada@gmail.com

Artigo 2º.-Escolas de Verán: Grupos de idade, lugar de realización, prazas e quendas

Grupos de Idade:

Xureliños: nados/as entre 2014 e 2012 (ambos incluídos)

Sardiñas: nados/as entre 2011 e 2006 (ambos incluídos)

Lugar de realización:

C.E.I.P. Pedro Barrié de la Maza – Mondego

Prazas e quendas

As Escolas de Verán ofertan un total de **200 prazas** para nenos e nenas nados entre 2014 e 2006 (ambos incluídos) entre as seguintes opcións dispoñibles:

- 1ª Quenda: **2 xullo - 13 xullo:**

50 prazas para o grupo dos XURELIÑOS.

50 prazas para o grupo das SARDIÑAS.

- 2ª Quenda: **16- 27 xullo:**

50 prazas para o grupo dos XURELIÑOS.

50 prazas para o grupo das SARDIÑAS.

Reservarase até un máximo do **10% das prazas por quenda** para participantes derivados dos servizos sociais de atención primaria, previo informe favorable dos servizos técnicos municipais. A cada un destes participantes propostos só se lles adjudicará unha quenda das dúas ofertadas. Se as prazas non fosen cubertas por este concepto se liberarán para o resto de solicitantes.

As actividades dentro do centro desenvolveranse de luns a venres (excepto o día 25 de xullo) de **09:00 a 14:00h**. Este horario pode variar en función da utilización do servizo de transporte que tamén se oferta.



Artigo 3º.-Servizos ofertados

Na oferta da Escola de Verán 2018, os/as participantes disporán dos seguintes servizos:

- a) Un programa de actividades de carácter educativo, lúdico e convivencial, que posibilite a participación do/a rapaz/a. A temática das Escolas será multiactividade, adaptada aos diferentes grupos de idade, desenvolvendo así diferentes xornadas de carácter pre-deportivo, musical, artístico, incluíndo ximkanas, contacontos, obradoiros, etc.
- b) Transporte de ida e volta para os participantes que así o soliciten.
- c) O material necesario para a actividade.
- d) Un equipo técnico de persoal especializado en educación, animación deportiva e actividades de tempo libre.
- e) Seguro de responsabilidade civil e de accidentes para os participantes e atención sanitaria de primeiros auxilios.

Artigo 4º.-Participantes.

Os/as solicitantes de praza nas Escolas de Verán, deben estar ao corrente de pago e non ter ningunha débeda pendente coa Tesourería municipal, xa que de ser así será denegada a solicitude.

Terán prioridade na concesión das prazas os/as nenos/as solicitantes que se atopen empadroados no Concello de Sada antes do 1 de maio de 2018. A comprobación do padrón farase de oficio, de maneira que non será preciso entregar ningunha documentación adicional.

Para que as 2 quendas das Escolas de Verán se realicen, terá que haber mínimo **25 participantes en cada quenda.**

Artigo 5º.-Tipos de solicitude e formas de presentación.

- Cada participante deberá presentar unha única solicitude elixindo a opción preferente de quenda e a 2ª opción por si non obtén praza na preferente, garantindo de tal xeito que todas as solicitudes teñan dereito a unha quenda como mínimo. Quen solicite só unha quenda **non optará a ningunha opción máis**, obteña ou non praza (non se reasignará noutra opción). Terán posibilidade de obter praza en dúas quendas sempre e cando haxa dispoñibilidade de prazas unha vez reasignada 1 quenda por solicitude.
- Os irmáns/ás que desexen asistir na mesma quenda, pedirán **praza múltiple** na solicitude.
- As solicitudes en papel **deberán estar asinadas** polos pais/nais ou titores/as dos/as menores solicitantes, en caso contrario, **non serán aceptadas por considerarse incompletas.**

A presentación da solicitude poderá facerse, á elección do solicitante, por dúas vías:

a) Vía presencial:

Presentarase a solicitude de praza na Oficina da Xuventude.

Lembramos que o horario de atención ao público será de luns a venres de 09.00 a 14.00 e de 16.00 a 18.00h, a partir do 15 de xuño reducirase de 09.00 a 14.00h.

O modelo de solicitude estará dispoñible na web municipal www.concellodesada.com (apartado Concellería de Educación, Xuventude e Saúde) ou na propia OMIX.

b) Vía Online: a través dun formulario que se poderá atopar na web anteriormente citada.

Artigo 6º.-Prazo de solicitude de praza

Do luns **7 de maio** até o domingo **20 de maio**

Calquera solicitude recibida fóra de prazo non será admitida

Artigo 7º.-Adxudicación de prazas.

A adxudicación das prazas realizarase en base aos seguintes supostos:

- a) No caso de participantes derivados dos servizos sociais de atención primaria, previo informe favorable dos/as técnicos responsables: **ADXUDICACIÓN DIRECTA**
- b) No caso de que a demanda non supere o número de prazas dispoñibles: **ADXUDICACIÓN DIRECTA**
- c) No suposto de que o número de solicitudes supere as prazas dispoñibles nalgunha das opcións ofertadas: **SORTEO PÚBLICO**

Ao longo do **xoves 24 de maio** publicarase na web www.concellodesada.com a listaxe de solicitantes con praza e a listaxe de reservas se houbese.

Se unha vez obtida a praza, o/a solicitante desexa renunciar a ela, deberá comunicalo por escrito para poder adxudicarlle aos solicitantes da listaxe de reserva. Será suficiente con enviar un correo electrónico a omixsada@gmail.com no que aparezan datos do/a solicitante e quenda na que obtivo praza e á que renuncia.



Artigo 8º.-Sorteo.

O sorteo público terá lugar o día **22 de maio** do 2018 ás 13:00 h. no local de actividades da Oficina da Xuventude (planta baixa).

Sempre terán preferencia no acceso ás prazas os empadroados/as no Concello de Sada, fronte aos non empadroados/as, **incluso no caso de repeticións das quendas.**

O sorteo realizarase por orde de quenda completando cada unha delas, formándose a listaxe até completar o total das prazas ofertadas:

1º Empadroados que solicitan a 1ª quenda como 1ª opción

2º Empadroados que solicitan a 1ª quenda como 2ª opción

3º NON empadroados/as que solicitan a 1ª quenda como 1ª opción

4º NON empadroados/as que solicitan a 1ª quenda como 2º opción

5º Empadroados/as que solicitan a 2ª quenda como 1ª opción

6º Empadroados/as que solicitan a 2ª quenda como 2ª opción

7º NON empadroados/as que solicitan a 2ª quenda como 1ª opción

8º NON empadroados/as que solicitan a 2ª quenda como 2ª opción

As solicitudes múltiples entrarán no sorteo cun mesmo número.

Artigo 9º.-Prezos e períodos de pagamento:

Os prezos de aplicación para os/as participantes nas Escolas de Verán 2018 serán os que se establezan no informe de prezo público previa aprobación dos Servizos Económicos Municipais.

- **1º Prazo de pagamento:** Do **25 de maio** ao **1 de xuño**. Exclusivamente para aqueles solicitantes que obteñan praza tras a publicación das listaxes.

Os/as participantes que non realicen o pagamento nestas datas perderán automaticamente a praza, a cal será asignada ao seguinte solicitante da listaxe de agarda.

- **2º Prazo de pagamento:** do **4** ao **8 de xuño**. Exclusivamente para aqueles solicitantes que estando na listaxe de agarda sexan chamados pola OMIX.

Os solicitantes desta listaxe serán chamados telefónicamente segundo se vaian liberando as prazas, ben por non pagamento ou renuncia expresa. Como máximo realizaranse 3 chamadas en horario de 09.00 a 14.00h.

Se non é posible contactar, pasarase a seguinte solicitude.

En calquera caso, **será obrigatorio presentar o xustificante de pagamento na Oficina da Xuventude** e os documentos que acrediten descontos, se é o caso, ben sexa por presencialmente ou por correo electrónico en omixsada@gmail.com, dentro dos prazos estipulados neste artigo.

Artigo 10º. Funcionamento das Escolas.

- **Participantes que non desexen o servizo de bus:** accederán ás instalacións ás 09.00, sendo a saída ás 14.00h. A entrada habilitada será a do portal polo que acceden os autobuses.

- **Participantes que sí desexen o servizo de bus:**

O transporte funcionará sempre e cando haxa un mínimo de 25 solicitudes para este servizo por quenda e por cada grupo de idade (25 nos XURELIÑOS e 25 nas SARDIÑAS).

Paradas do bus:

RUTA IDA

09:00 Casa do Concello.

09:10 Fontan (casas dos mariñeiros)

09:15 Carmoedo (casa Ramos)

09:20 Veigue (para bus)

09:25 Meirás (parada bus)

09:30 Mosteirón (colexio)

09:35 Soñeiro (Casa Carrasco)



C O N C E L L O
D E
S A D A
(A C O R U Ñ A)

09:40 O Castro (Cerámicas)

RUTA VOLTA

14:00 Saida colexio Mondego

14:05 O Castro

14:10 Soñeiro

14:15 Mosteirón

14:20 Meirás

14:25 Veigue

14:30 Carmoedo

14:35 Fontan

14:40 Concello.

Os horarios dos autobuses son orientativos, poden sufrir modificacións en función das paradas, da climatoloxía ou circunstancias imprevistas.

Os/as usuarios/as do servizo autobús que necesiten facer algunha modificación na parada solicitada, ou que nalgún momento non vaian usar o servizo, deberán avisar previamente ao responsable da actividade con tempo suficiente para realizar o cambio.

NOTA: A instalación do centro permanecerá pechada por seguridade unha vez que se sobrepase a hora de chegada estipulada.

Se por calquera motivo xustificable o/a participante necesitara facer a incorporación, ou a saída da actividade, fóra do horario establecido, deberá avisar previamente ao responsable da mesma, que será quen se encargará de levar a cabo dita labor da maneira menos perxudicial para o desenvolvemento das actividades programadas.

Artigo 11º.- Normas de comportamento

A organización da Escola, non permitirá ningún tipo de comportamento violento, tanto físico como verbal. Se algún dos participantes dificulta a dinámica no desenvolvemento das actividades en repetidas ocasións (previas advertencias aos seus pais desta situación), pode ser susceptible de expulsión segundo acorde o equipo de educadores.

Artigo 12º.- Autorización de imaxes e protección de datos

Co fin de garantir os principios de transparencia, accesibilidade da información e veracidade (artigo 2 da Lei 1/2016, do 18 de xaneiro, de transparencia e bo goberno), nas Escolas de Verán recolleranse experiencias e fotografías durante o desenvolvemento das actividades. Ditas fotografías, nas que poden saír os/as participantes, poderán ser divulgadas a través dos servizos da sociedade da información que considere o Concello de Sada (prensa, web, redes sociais, etc).

Aquelas nais, pais que non desexen autorizar a publicación de imaxes, deberán presentar o anexo II cando entreguen o xustificante de pagamento. O feito de non entregar este anexo II implica a autorización expresa dos pais, nais ou tutores/as para a publicación de fotografías nos medios que considere o Concello de Sada.

Os datos persoais derivados da inscrición nesta convocatoria serán tratados, en cumprimento do disposto na Lei Orgánica 15/1999, do 13 de decembro, de Protección de Datos de Carácter Persoal. Poderá exercerse o dereito de acceso, rectificación e cancelación, nos termos establecidos na lexislación vixente.

Artigo 13º.- Aceptación das bases

O feito de presentar a solicitude para as Escolas de Verán, implica a aceptación de cada unha das normas de participación que aquí se describen.

CONCELLARIA DE EDUCACION, XUVENTUDE E SAÚDE